

樓韻書
刊叢

杜工部集

杜工部集卷第十四

近體詩一百首

行過戎渝州·居雲安夔州作

哭嚴僕射歸櫬

素幔隨流水。歸舟返舊京。老親如宿昔。部曲異平生。風送一作逆蛟龍雨。

劉克莊曰·老親二句·極其淒愴·杜詩鏡銓

晉作天長驃騎營。一哀三峽暮。遺後見君情。

宴戎州楊使君東樓

勝絕驚身老。情忘發興奇。座從歌妓密。樂任主人爲。重碧一作拈·一作

楊倫曰·起語陡絕·二句更以迴曲見致·杜詩鏡銓

拓春酒。輕紅擘荔枝。樓高欲愁思。橫笛未休吹。

渝州侯嚴六侍御不到先下峽

聞道乘驄發。沙邊待至今。不知雲雨散。虛費短長吟。山帶烏蠻闊。江

連白帝深。船經一柱觀。留眼一作滯共登臨。

聞高常侍亡 忠州作

歸朝不相見。蜀使忽傳亡。虛歷金華省。何殊地下郎。致君丹檻折。哭友白雲長。獨步詩名在。只令故舊傷。

宴忠州使君姪宅

出守吾家姪。殊方此日歡。自須遊阮舍。陳作巷不是怕湖灘。樂助長歌送。

陳作逸林饒旅思寬。昔曾如意舞。牽率強爲看。

禹廟

禹廟空山裏。秋風落日斜。荒庭垂橘柚。古屋畫龍蛇。雲氣生虛壁。一作噓青

壁江聲走白沙。早知乘四載。疏鑿一云流落控三巴。

題忠州龍興寺所居院壁

楊倫曰。觀下題忠州院壁詩。知此詩有深意。杜詩鏡

方回曰。凡唐人祠廟詩。皆不能出老杜此等局段之外。二詩(禹廟。重過昭陵)蓋絕唱也。瀛奎律髓

紀昀曰：通首神完
氣足。氣象萬千。
可當雄渾之品。
瀛奎律髓彙評

方回曰：此三詩張
文潛集中多有近似
者。氣象大。語句
熟。雖或拗字。近

忠州三峽內。井邑聚雲根。小市常爭米。孤城早閉門。空看過客淚。莫
覓主人恩。淹泊仍愁虎。深居賴獨園。

旅夜書懷

細草微風岸。危檣獨夜舟。星垂平野闊。月湧大江流。名豈文章著。官
應老病休。飄零何所似。天地一沙鷗。

別常徵君

兒扶猶杖策。卧病一秋強。白髮少新洗。寒衣寬總長。故人憂見及。此
別淚相忘。各逐萍流轉。來書細作行。

十二月一日三首

今朝臘月春意動。雲安縣前江可憐。一聲何處送書雁。百丈誰家上
水船。未將梅蘂驚愁眼。要取椒花媚遠天。明光起草人所羨。肺病幾

吳體。然他人拘平仄者反不如也。
瀛奎律髓

時朝日邊。

寒輕市上山煙碧。日滿樓前江霧黃。負鹽出井此谿女。打鼓發船何郡郎。新亭舉目風景切。茂陵著書消渴長。春花不愁不爛熳。楚客唯聽棹相將。

卽看燕子入山扉。豈有黃鸝歷翠微。短短桃花臨水岸。輕輕柳絮點人衣。春來準擬開懷久。老去親知見面稀。他日一杯難強進。重嗟筋力故山違。

又雪

南雪不到地。青崖霑未消。微微向日薄。脉脉去人遙。冬熱鴛鴦病。峽深豺虎驕。愁邊有江水。焉得北之朝。

奉漢中王手札

蔣弱六曰：次句常語。將首句配說。便極尊嚴。杜詩鏡銓

楊倫曰：此詩獨作澀體。句法亦多離奇。開盧仝。孟郊一種詩派。然學之易入奧僻。杜詩鏡銓

國有乾坤大。王今叔父尊。剖符來蜀道。歸蓋取荆門。峽險通舟過。陳作峻江長注海奔。主人留上客。避暑得名園。前後緘書報。分明饌玉恩。天雲浮絕壁。風竹在華軒。已覺良宵永。陳作逸何看駭浪翻。入期朱邸雪。朝傍紫微垣。枚乘文章老。河間禮樂存。悲秋宋玉宅。失路武陵源。淹薄俱崖口。東西異石根。夷音迷咫尺。鬼物傍一作倚黃昏。犬馬誠爲戀。狐狸不足論。從容草奏罷。宿昔奉清罇。

贈崔十三評事公輔

飄飄西極馬。來自渥窪池。颿颿定一作寒山桂。低徊風雨枝。我聞龍正直。道屈爾何爲。且有元戎命。悲歌識者知。官聯辭冗長。行路洗欹危。脫劍主人贈。去帆春色隨。陰沈鐵鳳闕。教練羽林兒。天子朝侵早。雲臺仗數移。分軍應供給。百姓日支離。黠吏因封已。公才或守雌。燕王買

賈一作駿骨。渭老得熊羆。沾國名公在。拜壇群寇疑。冰壺動瑤碧。野水失蛟螭。入幕諸彥聚。渴賢高選宜。騫騰坐可致。九萬起於斯。復進出矛戟。昭然開鼎彝。會看之子貴。歎及老夫衰。豈但江曾決。還思霧一披。暗塵生古鏡。拂匣照西施。舅氏多人物。無慚困駟垂。

長江二首

衆水會涪萬。瞿唐爭一門。朝宗人共挹。盜賊爾誰尊。孤石隱如馬。高蘿垂飲猿。歸心異波浪。何事卽飛翻。

浦起龍曰。時崔旰殺郭英乂。公在雲安聞蜀亂。思下峽以避之。故借長江寫意。非咏江也。杜詩鏡銓

浩浩終不息。乃知東極臨。一作深衆流歸海意。萬國奉君心。色借瀟湘闊。聲驅灩澦深。一作沉未辭添霧雨。接上遇一云過衣襟。

承聞故房相公靈櫬自閬州啓殯歸葬東都有作二首

遠聞房太守。一作尉歸葬陸渾山。一德興王後。孤魂久客間。孔明多故事。

李因篤曰。目擊時艱。心傷國是。其

詩至真至老。視黃
鳥爲哀矣。杜詩
鏡銓

邵長蘅曰。情致楚
楚。杜詩鏡銓

安石竟崇班。他日嘉陵涕。仍霑楚水還。
丹旄飛飛日。初傳發閬州。風塵終不解。江漢忽同流。劍動新身匣。書
歸故國樓。盡哀知有處。爲客恐長休。

雲安九日鄭十八攜酒陪諸公宴

寒花開已盡。菊蕊獨盈枝。舊摘人頻異。輕香酒暫隨。地偏初衣袂。山
擁更登危。萬國皆戎馬。酣歌淚欲垂。

答鄭十七郎一絕

雨後過畦潤。花殘步履遲。把文驚小陸。好客見當時。

將曉二首

石城除擊柝。鐵鎖欲開關。鼓角悲荒塞。星河落曙山。巴人常小梗。蜀
使動無還。垂老孤帆色。飄飄犯百蠻。

軍吏回官燭。舟人自楚歌。寒沙蒙薄霧。落月去清波。壯惜身名晚。衰慚應接多。歸朝日簪笏。筋力定如何。

懷錦水居止二首

軍旅西征僻。風塵戰伐多。一作獨聞蜀父老。不忘舜謳歌。天險終難立。

柴門豈重過。朝朝巫峽水。遠遠錦江波。

萬里橋南宅。百花潭北莊。層軒皆面水。老樹飽經霜。雪嶺界天白。錦城曛日黃。惜哉形勝地。回首一茫茫。

子規

峽裏雲安縣。江樓翼瓦齊。兩邊山木合。終日子規啼。眇眇春風見。蕭蕭夜色淒。客愁那聽此。故作傍人低。一云故傍旅人低

立春

浦起龍曰。絕無艱澀之態。杜律之最爽雋者。讀杜心解。

邵長蘅曰：老境。
杜詩鏡銓

浦起龍曰：夜泊之
景。畫不能到。
讀杜心解

楊倫曰：自然佳
句。亦從王曹詩脫

春日春盤細生菜。忽憶兩京梅發時。盤出高門行白玉。菜傳纖手送青絲。巫峽寒江那對眼。杜陵遠客不勝悲。此身未知歸定處。呼兒覓紙一題詩。

漫成一絕

江月去人只數尺。風燈照夜欲三更。沙頭宿鷺聯拳靜。一作起船尾跳魚撥一作跋刺鳴。

老病

老病巫山裏。稽留楚客中。藥殘他日裏。花發去年叢。夜足霑沙雨。春多逆水風。合分雙賜筆。猶作一飄蓬。

南楚

南楚青春異。暄寒早早分。無名江上草。隨意嶺頭雲。正月蜂相見。非

出。
杜詩鏡銓

張揔曰。五字搖盪。含情正遠。
唐風懷
王夫之曰。深潤細密。杜出峽詩方是至境。
唐詩評選

時鳥共聞。杖藜妨躍馬。不是故離群。

移居夔州郭

伏枕雲安縣。遷居白帝城。春知催柳別。江與一作已放船清。農事聞人說。山光見鳥情。禹功饒斷石。且就土微平。

船下夔州郭宿雨濕不得上岸別王十二判官

依沙宿舸船。石瀨月娟娟。風起春燈亂。江鳴夜雨懸。晨鐘雲外岸一作濕。勝地石堂烟。柔櫓輕鷗外。含悽覺汝賢。

入宅三首

奔峭背赤甲。斷崖當白鹽。客居愧遷次。春酒漸多添。花亞欲移竹。鳥窺新捲簾。衰年不敢恨。勝概欲相兼。

亂後居難定。春歸客未還。水生魚復浦。雲暖麝香山。半樊作頂梳頭白。

楊倫曰。此詩頽唐
之甚。杜詩鏡銓

過眉拄杖班。相看多使者。一一問函關。

宋玉歸州宅。雲通白帝城。吾人淹老病。旅食豈才名。峽口風常急。江
流氣不平。只應與兒子。飄轉任浮生。

赤甲

卜居赤甲遷居新。兩見巫山楚水春。炙背可以獻天子。美芹由來知
野人。荊州鄭薛寄書近。蜀客郝岑非我鄰。笑接郎中評事飲。病從深
酌道吾貞。

上白帝城二首

江城含變態。一上一回新。天欲今朝雨。山歸萬古春。英雄餘事業。衰
邁久風塵。取醉他鄉客。相逢故國人。兵戈猶擁蜀。賦斂強輸秦。不是
煩形勝。深慚一作愁畏損神。

白帝空祠廟。孤雲自往來。江山城宛轉。棟宇客徘徊。勇略今何在。當年亦壯哉。後人將酒肉。虛殿日塵埃。谷鳥鳴還過。林花落又開。多慚病無力。騎馬入青苔。

愁

強戲爲
吳體

江草日日喚愁生。

巫一作春

巫峽泠泠非世情。盤渦驚浴底心性。獨樹花發

自分明。十年戎馬暗萬國。異域賓客老孤城。渭水秦山得見否。人今罷病虎縱橫。

江雨有懷鄭典設

春雨闇闇塞

晉作發

峽中。早晚來自楚王宮。亂波分披已打岸。弱雲狼藉

不禁風。寵光蕙葉與多碧。點注桃花舒小紅。谷口子貞正憶汝。岸高

壤滑一作闕限西東。

楊倫曰。杜晚年七律多類然自放。杜詩鏡銓

雨不絕

鳴雨既過漸細。晉作細雨。微映空。搖颺如絲飛。堦前短草泥不亂。院裏長條

風乍稀。舞石旋應將乳子。行雲莫自濕仙衣。眼邊江舸何匆促。未待

晉作得安流逆浪歸。

崔評事弟許相迎不到應慮老夫見泥雨怯出必愆佳期走

筆戲簡

江閣要賓許馬迎。午時起坐自天明。浮雲不負青春色。細雨何孤白
帝城身過花間露。濕好醉於馬上往來輕。虛疑皓首衝泥怯。實少銀
鞍傍險行。

晝夢

二月饒睡昏昏然。不獨夜短晝分眠。桃花氣暖眼自醉。春渚日落夢

邵長蘅曰。七律變調。氣自蒼莽。大

家正須有此。
詩鏡銓

杜

相牽。故鄉門巷荊棘底。中原君臣豺虎邊。安得務農息戰鬪。普天無吏橫索錢。

熟食日示宗文宗武

消渴遊江漢。羈棲尚甲兵。幾年逢熟食。萬里逼清明。松柏邛山路。風花白帝城。汝曹催我老。回首淚縱橫。

又示兩兒

令節成吾老。他時見汝心。浮生看物變。爲恨與年深。長葛書難得。江州涕不禁。團圓思弟妹。行坐白頭吟。

陪諸公上白帝城頭宴越公堂之作

此堂存古制。城上俯江郊。落構垂雲雨。荒堦蔓草茅。柱穿蜂溜蜜。棧缺燕添巢。坐接春杯氣。心傷艷藥梢。英靈如過隙。宴衍願投膠。

古樂府
云。以

盧世淮曰。傷春五首。以五排紀時事。纏綿悱惻。發於忠君愛國之誠。當與洞房八首並傳。杜詩詳注。

膠投漆中。誰能別離此。莫問東流水。生涯未卽拋。

傷春五首

天下兵雖滿。春光

一作青春

日自濃。西京疲百戰。北闕任羣兇。關塞三千里。

烟花一萬重。蒙塵清露急。御宿且

一作有

誰供。殷復前王道。周遷舊國容。

蓬萊足雲氣。應合總從龍。

鶯入新年語。花開滿故枝。天青風卷幔。草碧水通池。牢落官軍速。蕭

條萬事危。鬢毛元自白。淚點向來垂。不是無兄弟。其如有別離。巴山

春色靜。北望轉逶迤。

日月還相鬪。星辰屢合

一作云亦屢

圍。不成誅執法。焉得變危機。大角纏兵氣。

鉤陳出帝畿。烟塵昏御道。耆舊把天衣。行在諸軍闕。來朝大將稀。賢

多隱屠釣。王肯載同歸。

再有朝廷亂。難知消息貞。近傳王在洛。復道使歸秦。一作通秦奪馬悲公主。

登車泣貴嬪。蕭關迷北上。滄海欲東巡。敢料安危體。猶多老大臣。豈

一作得無嵇紹血。霑灑屬車塵。

聞說初東幸。孤兒却走多。難分太倉粟。競棄魯陽戈。胡虜登前殿。王

公出御河。忍爲得無中夜舞。一作宜誰憶大風歌。春色生烽燧。幽人泣薜蘿。

君臣重修德。猶足見時和。

暮春題瀼西新賃草屋五首

久嗟三峽客。再與暮春期。百舌欲無語。繁花能幾時。谷虛雲氣薄。波

亂日華遲。戰伐何由定。哀傷不在茲。

此邦千樹橘。不見比封君。養拙干戈際。全生麋鹿群。畏人江北草。旅

食瀼西雲。萬里巴渝曲。三年實飽聞。

浦起龍曰。老杜連
章片段。大率如此
精密。如何鹵莽讀
得。讀杜心解